



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat De Sacramentis, & Censuris

Viva, Domenico

Patavii, 1723

Art. IV. De Forma Baptismi.

urn:nbn:de:hbz:466:1-40650

rectiōnem. Nam vere esset ablutiō ordinata ad resurrectiōnem animae , quamvis ad necem corporis : Contra vero , si infans caderet in puteum , & alter formam proferret , non baptizaretur , quia non ablueretur a Mi-nistro ; Sicut nec baptizatur , si uno tenente puerum , & proferente formam , alter aquam infundat : At si aqua a tecto cadat , vel ab alio im-mittatur , & Titius puerum submitte-ret tali aquæ proferendo formam , il-lum baptizaret ; quia vere diceretur illum abluere . In extrema tamen ne-cessitate infans baptizari potest sub conditione , abluendo capillos , vel umbilicum , quia est etiam pars ex-crementitia præscindenda a corpore infantis , & ut putat Ochagav. etiam in pelle , quam Medici appellant se-cundinam , quia reputatur veluti pars pueri , & tamquam ejus cutis .

ARTICULUS IV.

De Forma Baptismi.

I. Legitima est ex Florentino tam for-ma Baptismi , qua utitur Ecclesia Graeca , quam ea , qua utitur Ec-clesia Latina .

II. Quomodo debeat Trinitas Personarum exprimi ?

III. Quonam etiam patto exprimenda est unitas essentie divinae ?

IV. Non pertinet ad Forma essentiam particula illæ , Ego , In , Amen , sed dubitatur de particula , Et .

V. Num possit unus plures simul bapti-zare , & num plures unum ?

VI. Quenam variatio forma videatur accidentalis .

I. D Uæ sunt Baptismi forme usi-tatae , altera ab Ecclesia la-tina dicendo , Ego te baptizo in nomi-ne , &c. ; altera apud Gracos dicen-do , Baptizetur servus Christi in nomi-

ne , &c. ; Utraque legitima ex Flo-rent. ; Nobis tamen non licet hac uti contra consuetudinem Ecclesiae lati-ne : nec illis licet uti nostra .

II. Quæritur nunc primo , an essen-tialiter ad formam Baptismi requiri-tur invocatio explicita Trium per-sonarum secundum proprietates relati-vas ?

Respondeatur affirmative , ut con-stat ex illo Matth. ult. , Baptizantes eos in nomine Patris , & Filii , & Spi-ritus Sancti : quare baptismus collatus in nomine Christi nullus est ex Flo-rentino ; sicut nec baptismus collatus in nomine Trinitatis , aut in nomine Dei , aut in virtute Sancta Crucis , aut in nomine Trium Personarum , aut in nomine primæ , secundæ , & tertia personæ ; cum non explicentur tres personæ secundum proprietates relati-vas . Imo multi docent cum D. Th. & aliis contra Cajet. apud Trull. , quod nec sufficiat in nomine Genito-ris , Geniti , & Spirati , quia Christus instituit , quod sub illis vocibus relati-vis Patris , Filii , &c. , quæ sunt com-muniores , & usitatores , baptismus conferatur : Verius tamen dicitur , quod sit validus , quia sunt nomina Syno-nyma : Sufficit vero ex Trull. , si dicatur , In nomine Patris , Verbi , & Spi-ritus Sancti ; Quamvis autem ex A-stibus Apost. cap. 14. constet , quod Apostoli baptizarent in nomine Christi , nihilominus vel id fuit ex spe-ciali dispensatione , ut magis reddere tur gloriosum nomen , quod tunc tem-poris erat apud Gentes contemptui : vel , ut communius docent , ibi ba-ptismus factus in nomine Christi si-gnificatur Baptismus institutus a Chri-sto , & qui per fidem in Christum , & per merita Christi operabatur , cum opponatur Baptismo Joannis . Vel demum fit sensus , quod in colla-tione baptismi nomen Christi adde-retur dicendo , Ego te baptizo In no-mine

mine Patris, Filii ejus Iesu Christi, & Spiritus Sancti.

III. Quæres secundo, An etiam essentialiter exprimi debeat unitas essentia divinæ, dicendo, In nomine, &c.?

Respondeo etiam affirmative propter eandem rationem; inde invalidus est baptismus, si dicatur, In nominibus Patris, Filii, &c., vel si dicatur, Baptizo te cum Patre, & Filio, & Spiritu Sancto. Immo si dicatur, Baptizo te in nomine Patris, in nomine Filii, & in nomine Spiritus Sancti, Conink, & alii apud Bonac. putant esse invalidum; Alii tamen probabilius putant esse validum, quia tri- na illa nominis repetitio non videtur multiplicare essentiam. Dubium etiam est, an sit validus baptismus, si loco illius verbi, In nomine, dicatur, In virtute? quia nomen videtur importare præter virtutem, etiam invocationem Trium personarum? Dubitatur pariter, an sit validus, si dicatur, Te baptizo in Deo Patre, Filio, & Spiritu Sancto? Illud recolo, quod diximus quæst. super. quod si quis baptizaret, dicendo, In nomine Patris, & Filii, & Spiritus Sancti, & Beatae Virginis, invalidus baptizaret, si illam invocaret effective, prout invocantur Tres personæ ad efficiendum Sacramentum; secus vero, si invocetur deprecatorie, intendendo auxilium Beatae Virginis baptizato implorare, ut notat Dian. part. I. tract. 15. resol. 48.

IV. Quæritur tertio, quanam particula in forma Baptismi sint essentiales?

Respondeo, particulam, Ego, In, Amen, non esse de essentia; unde validus est Baptismus, dicendo, Baptizo te nomine Patris, &c., quia idem sensus remanet illis omissis: idem enim est præcipere nomine regis, ac in nomine regis: illas tamen particulas omittens ex Henr. peccat graviter: Communius tamen apud Dian.

Pars V.

part. I. tract. 15. resol. 14. docent, quod peccet venialiter, si absit scandalum, cum non sint materia gravis: Et idem dicas, si quis vulgari idiomatico baptizaret, nisi tamen id faceret, quia non bene callet idioma latinum. Qui vero omittit conjunctionem, Et, invalide baptizat ex Sylvest.; communius tamen docent, quod valide.

V. Quæritur ultimo, an possit unus plures simul baptizare, vel plures unum?

Respondeo ad primum, posse quidem unum baptizare plures, etiam unica aspersione, ut notat Trull. (& quidem licite in necessitate,) dicendo, Ego vos baptizo: Sicut potest unus plures ordinate, vel absolvere, dicendo, Ego vos absolvo &c. Accipite postularem, &c., dummodo abluit illos, dum formam profert, vel saltem moraliter conjugatur materia cum forma; sicut enim qui manibus poculum tenet ori applicatum, dicere moraliter potest, Ego bibo, ita si quis statim prolata forma abluit, dicitur moraliter tunc, cum formam profert, ablueret. Non est tamen sequendus Heredita, qui apud Dian. part. 3. tract. 4. resol. 6. docet, satis esse, si intercedat inter ablutionem, & formæ prolationem unum Pater noster.

Ad secundum respondeo, posse etiam plures baptizare unum, dummodo singuli seorsim ponant materiam, & formam, & intendant absolute, & totaliter baptizare; secus vero si vellent baptizare partialiter; aut, si Petrus dicat, Ego baptizo te, si Paulus nunc baptizans non te baptizat, & viceversa dicat similiter Paulus, Ego baptizo te, si Petrus nunc baptizans non te baptizat: istæ enim conditiones reddunt formam se falsificantem; imo, ut docent Logici in libris Perihermenias, istæ propositiones materialiter tantum proferri possunt: o-

E muis

mnis enim actus intellectus , & voluntatis debet habere objectum a se distinctum ; in hoc autem casu non haberent objectum distinctum a se , ut patet consideranti .

Notandum hic , quod quando duo , tamquam causæ totales simul baptizant eundem , ille solum baptizat , qui prius ponit materiam , & formam ; alter vero non est irregularis ex reiteratione Baptismi , quia non habetur nova applicatio materiæ , & formæ post primum baptismum , ut requiratur ad peccandum , & incurriendam irregularitatem ; sicut non peccant Sacerdotes , qui quando initiantur , proferunt simul cum Episcopo formam consecrationis , quamvis illè prius consecret , qui prius formam absolvit .

Notandum etiam cum Bonac. apud Trull. , quod valide baptizet Episcopus , si dicat , *Nos baptizamus te pro Ego te baptizo* ; quia *Nos* ponitur auctoritative pro *Ego* : Et probabile est , speculative loquendo , quod valide baptizet , si dicat , *Ego vos baptizo pro Ego te baptizo* , quia talis mutatio non est substantialis , & Italico sermone sepe pluralis hic numerus pro singulari usurpatur . Valide etiam baptizat Latinus adhibendo sacrilege formam Græcorum , *Baptizetur servus Christi* , vel dicendo , *Baptizet te Christus* , ut communissime docent Doctores apud Conink contra quosdam Canonistas ; sicut valide consecrat latinus in fermentato ; quia materiæ , & formæ essentiales Sacramentorum sunt eadem pro tota Ecclesia ; cum sint a Christo Domino instituta ; quamvis possit Ecclesia prohibere , ne quis aliqua forma contra consuetudinem utatur .

ARTICULUS V.

De Baptismi Ministro .

- I. *Etiam Turca , & Hæreticus , nec non Mulier potest hoc Sacramentum administrare .*
- II. *Num iterandus sit sub conditione Baptismus collatus ab Obstetricibus ?*
- III. *Quinam possit baptizare solemniter ?*
- IV. *In casu necessitatis quinam praerendus sit , qui baptizet ?*
- V. *Quinam irregularitatem incurvant ex illicita Baptismi collatione ?*

I. **Q**uartitur primo , quinam sit Minister hujus Sacramenti ?

Respondeo , esse quemicumque rationis compotem distinctum tamen ab ipso baptizando : unde in necessitate potest etiam Turca , & Paganus , & excommunicatus , etiam hæreticus , etiam mulier baptizare , dummodo habeat intentionem faciendi , quod facit Ecclesia ; cum enim Sacramentum hoc sit maxime necessarium omnibus , congruum fuit , ut cuilibet talis potestas conferretur : Nemo tamen potest se ipsum baptizare , ut constat ex cap. *Debitum de Baptismo* , & colligitur ex verbis Domini , *Baptizantes eos* : Sicut enim nemo potest se ipsum generare corporaliter , sic nec regenerare spiritualiter .

II. Notandum hic , Sylvestrum docere apud Dian. part. 5. tract. 13. resol. 88. , quod si quando obstetrix baptizet puerum , possit hic iterum sub conditione baptizari , quia dubium est , ne subito casu necessitatis turbata aliter fecerit , quam oportuit ; quod aliqua Synodi decreverunt . Communius tamen docent apud Dian. quod universem in nostris regionibus non sit prudens ratio dubitandi de validitate Baptismi collati ab obstetricibus , quæ

fo-